

Châng Thlan: *Galatia 6:14.*

Zirlaite Tân:

Hriat Tûr: Galatia thu tlângkâwmnaa Paulan chanchin thâ leh kohhran nihna laimû a târlan sawi zâu.

Vei Tûr: Galatia mîte thlarau dinhmun, inlaichînna a neihpui dân leh zirtirtu derte chungchâng Paulan a veipuizia hriatthiampui.

Tih Tûr: Kan nunna leh rawngbâwlna laimû a nih anga Kraws chauh chhuangin.

THUPUI THEN

I. Hriat Tûr: Lehkathawn Liante

- A Engtin nge Paulan Galatia lehkathawn a khârna hi a lehkathawn dangte nêen a danglam?
- B Lehkathawn tlângkâwmnaa lo lang, a thil sawi tum ber chu enge ni?
- C A thil chhuân chu enge ni a, hei vâng hian engtin nge a lo tuâr?

II. Vei Tûr: Thangthat Lâk Tum Lo

- A Paula kha kohhrana thangthat lâk tum ni ta se, engtiang takin nge a tâwpna a danglam ang?
- B A tlângkâwmnaah hian eng duhna rilrû nge lo lang Chiang?
- C Engtin nge mimal taka a insênso dân leh a rawngbâwlna vâng a ser a put tâkte khân Galatia mîte thinlung a hneh?

III. Tih Tûr: Kan Chhuan Chhun

- A Kan nun chhûngrilah hian eng phûrna tak nge awm?
- B Eng thilte nge chhuân kan lo tum thin?
- C Kraws chauh chhuâng kan nihin engtin nge kan nun a lo danglam ang?

KHAIKHÂWMNA: Paulan Galatia mîte hnêna a lehkathawn chu mimal ngênna khûn tak siamin a titâwp a. A damchhan

leh rawngbâwlna hautak kârah Kraws chauh chu vuânin, pâwnlam langthei lama thurochhiah zawmna chu a hnar hmiah a ni.

INZIRTÎR DÂN TÛR

RAHBI 1—Chawk phûr rawh

Thlarau thanna atâna thu pawimawh: Ringtu dik takte chuan mahnî hlawhtlinna lam ni lo, an tâna inhlân Krista chauh chu an chhuâng thîn. Kristian dik takte leh mahni-rawnginbâwl sâkhuana hriat hnan har tak nih chângte pawh a awm.

A landân inang fû mah se, a danglamna chu nasa tak a ni lawi a. Kristiante chuan Krista chauh an chhuâng a. Mahni-rawnginbâwl sâkhuana erawh chuan Krista chungchâng leh kohhran hlawhtlinnate sawi nuâm an ti thîn. Member-te, a châng chuan rawngbâwltûte pawh hi thlarau lama an hlawhtlinnate, a bîkin mi dangte hlawhtlin vak loh laia an chêt thanna ang chî chhuân kawngah hian an fimkhur hlê tûr a ni. Inkhâikhinna kawng khat: Krista leh mihrinna chiahi chhinchhiah tlâk chu a ni. Hei hi khaikhin tlâk pawh a ni chiahi lo va. Hlawhtlinna sâng ber te, thusawi thiam ber te, zirthiamna sâng ber leh inawpna sâng ber chî pawh hi Kristâ lakah chuan eng mah lo mai a ni.

A khingpuiten mahni an inchhuân dân leh ani tihdân inan lohna chu, Paulan Krista chauh a chhuân thû a puâng chhuak hi a ni. Ani hi chuan rawngbâwlna leh a hlawhtlinna hi Kristaa inngat a ni tih a pawm a. Kristâ tel lo, mihring beihna mai chu eng mah lo mai a ni tiin a sawi. A hmâwr bâwkna chu Krista niin, Ani chu engkima engkim a ni.

Bultan nân: Dâwr changkâng tak atangin thil lim man to lêm lo, hriat awlsam tak sî lei la. Rawngin chei la, engtin nge rawnga han chei danglam hian a landân a lo danglam tâk hlauh tih sawi ho ula. Rawng a ro hunah thil tlêin puh

leh thung la. A landân lo danglam zêl dân chu sawi ho zêl teh u. Chutianga tih a rem ta lo a nih leh, ƣawngkamin i sawi fiah mai ang a, hêng thil hi i uâr tel dâwn nia: thil lim hmêlhmang tak kha chu a ngai reng a; chuvângin rawng leh hnawih tlatna te kha chu pawimawh lo zâwk an ni a, a ruângâm landân an tidanglam chuâng lo. Kristiante hi rawng leh a hnawih tlêtna ang kha an ni a, Krista chu a milim ruângâm siamtu ang kha a ni a, fak phû ber a ni. Inzawh tûr: Engtin nge kohhran rawngbâwlna tiphûr leh tichaktu Krista tel lo chuan ringtûte hi eng mah an nih loh?

RAHBI 2—Zawng chhuak rawh

ZIRTÏRTÛTE PUÂL: Thuthlung Hluuin ropuina a manthiam dân chu a rih dân a zirin a ni. Tûnlai ƣawngkâuchheh hian chutianga chu a târlang.

ƣawng lêra misual hotupa an sawi dân chu ‘mi rit’ tihte a ni a. Mahni hûhâng, pawimawhna, dinhmun sâng leh thuneihna ang chîte hmang tûra intih nân ‘I rihna han hmang teh’ titein an sawi bawk a. Thuthlung Thar lam pawh hian chû chu chhunzawm zêlin, kan Pâ vâna mi leh Isua Krista hi thupui bera neiin, mihringte hi chu a vê ang chauha sawi a ni ƣhîn (*Luka 12:27; Johana 7:18*). Ropuina te, thuneihna te, ƣhat famkimna te—hêng hi Pathian puâl bîk “rihna” a ni. Mihring tih ropui ber berte pawh hi hnâwmhnê mai a ni.

ZIR ZAUNA

I. Kraws Chhuângin (*Galatia 6:14*.)

Paula chuan kraws-in a entîr tawrhna leh muâlphona hi a chhuâng a. Mi sual chimawm ber berte hi kraws-ah an khêngbet ƣhîn a. Chutianga tluka intawrhîrna dang a awm lo. Paula kha mi narân, vâkvai, thiamna eng mah nei lo, sâkhaw thila hmuhsitawm lo ni ta se, khenbehna nêna a insawi zawm kha a hriatthiam awm deuh tûr. Khawvêla mi chhia leh dinhmun hnuaihningten ram inlumlehna an rawn

thlen kan hre fo va, mahse khenbehna nêna Paula a insawi zawm ve tlat mai hi rilru ngaihtuahna hian a manthiam mai lo thîn.

Amâ nihna a insawifiah dân chu: “Duh pheii ila, kei pawh tîsa chung a rinna ngat thei ka ni a sîn. Mi dang rêng rêngin tîsa chung a rinna ngat theia an inngai a nih chuan, kei hi ka inngai lehzual a ni: Ni riat nîa serh tan, Israela thlaha mî, Benjamin chîa mi, Hebrai laka Hebraia piang; dân lamah chuan Farisai ngat, thahnemngaih lamah chuan kohhran hote tiduhdahtu ka ni; dân thûa felna lamah chuan sawisêl bo ka ni. Mahse, ka tâna hlâwkna tûr apiangte chu, chûng chu Krista avângin châannaah ka ruat a ni. A ni takmeuh mai, ka LALPA Krista Isua hriatna ropui bîk avângin thil engkim pawh châannaah ka ruat a ni; Amah avângin thil zawng zawng ka chên ta vek a, chûng chu hnâwmhnêah lek ka ngai a, chû chu Krista ka neih theih nân a ni,” (*Filipi 3:4–8, ESV*).

Paula kha thil luhchilh tak taktu, sâkhaw thila mi hneh thei ber mai, thiamna sâng nei leh vântlâng hriat hlawh tak a ni. Chutichungin, Paulan Amah Krista bâk thil dang eng mah chhuân a nei sî lo. Chutiang a nihzia chu a lekhathawnte hian an târlang a. A rawngbâwl tîrh lama Galatia mîte hnêna a lekhathawnah pawh hian kraws chauh a châwisânzia chu uâr takin a sawi a. A hnû deuha Filipi tân ina khung a nih laia a ziahah pawh a sawi nawn leh ngat a. Ani hi Thuthlung Thara lekhathawn thahnem tak ziaktu hi, kum zabi khatnaa Kristian ramthim rawngbâwltu hrâtkhawkhêng niin, Thuthlung Thar huna Pathian thu kalhmang chhertu ber a ni a. Fakna leh châwimâwina zawng zawng chu Krista belin, a hlawhtlin vêna zawng zawngte chu eng mah lo maiah a ngai thung a ni.

Ngaihtuah teh: Kristianten an testimoni an sawi rêng rêngin, Kristâ thiltih âiin mahni lam inchâwisân hi an uâr

zâwk thîn em? Engati nge mahni-inkhenbeh hi a har viau? Mahni-inchhuannaah hian eng thil hlauhawm nge awm nghâl? Kristiante hian an hlutna hi khawi aṭanga chhût thîn tûr nge an nih ang?

II. Thil Siam Thar (*Galatia 5:2–4.*)

Vânduaithlâk takin, Kristian Pathian thu kalpui dân thenkhatah chuan, bêl chhûnga thil awm thlâk lo va, pâwn lama thu chuâng thlâk ang lekin an kalpui a. Chhandamna chu rorêlnaa thil chinfelna, nihna thar inpêkna angin an ngai thîn. Bible Kristianna erawh hi chuan, nun chhûng thil hi siam thât hlauh a ni tûr a ni tiin a tlângâupui thung a. Neitu nihna hi Setana aṭanga Kristaa thlâk a nih a, chinfel a nih tawh chuan mi mal nun chu a lo danglam hlauh thîn. Chutiang tihna atân chuan ringtûin a lo tâuwiâwm thât a ngai, tihthianghlimna hi a duh lo chung hnêna hnawn luih a ni ngai lo. Chutih laiin, Kristiante hian an lo chêt vêna hian chû chu hlauh chhuak tâah chuan an ngai tûr a ni lo. Milim hian uâng takin, “Eng hmanga siam nge ka nih min han en mah teh u!” a ti thei lo. Milim hian mahni a indin thei lo ang hian, Kristiante pawh mahni insiamṭha thei an ni lo. Jeremia khân uâr takin, “Keitêin a ziâ a thlâk thei em ni?” (*Jer. 13:23*) tiin zawhna a siam kha. Thil Chiang tak chu, mahni-tumna leh pâwnlam langtheia danglamna hmangin ringtûte hi thilsiam thar an ni thei lo va, chunglam khawngaihna zârah chiaah a ni zâwk tih hi a ni.

Ngaihtuah teh: Kristiante chu mahni inthlâk danglam thei an nih loh avâng hian, ringtûte hian an sâkhaw beihnaa an goal tûr chu enge ni a, engvâng nge? Bible zir leh ṭawngṭaite hian lâwmman a ken tel nghâl loh laiin, engati nge Kristiante hi chutiang ti zêl tûr kan nih sî?

RAHBI 3—A Taka Nunpui Tûr

ZIRTIRTÛTE PUÁL: Infiamna lama mi rawihten tân chak zâwng te, infiam theih dân te leh thahrui neih dânte an teh thîn. Mahni inteh a, infak leh inchâwisân vênna hian rilru lamah thil tha lo a thlen thîn. Mihringte hian Kristan min hlui ‘pawm’ nihna chu kan mamawh êm êm a ni.

Ngaihtuah Tûr Zawhnate: Pathian hian a khawi hi nge a ngaih thupui zâwk ang: theihna kan neihte chher chhuah nge inlaichînna min neihpui hi? Sawi fiah la. Pathian hnên kan panin, enge kan rawn ken ang?

Ataka Nunpui Tûr Zawhna: A hmâa kan zawi tâk ang khân, milim chuan, “Eng hmanga siam nge ka nih min han en mah teh u!” a ti thei lo. Milim hian mahni a indin thei lo ang hian, Kristiante pawh mahni insiamtha thei an ni lo. Engtin nge Pathian khawngaihna thlarau lama thi tawh, nun nei lo chu kâitho va, thil ropui taka a chet that leh tâk?

RAHBI 4—Boruak siam rawh

ZIRTIRTÛTE PUÁL: Mihringin pâwnlam landân an en a, Pathian erawh chuan thinlung chhûng a en zâwk thîn. Mi tam takin danglamna neih an duh ang tûrin thutlûkna an siam thîn. Pathian duhzâwng erawh chu thinlunga pawmna a ni. Mihring thinlunga Krista a lo chên tawh chuan, chîndân te, nunphung te, thil thlîr dânte chu chawplehchilhin a lo danglam a. Mahni-inngaihtuahna âiah lalram thupêkte a lo lian a. Pâwnlam landân ngawtah hi chuan chhûnglam thianghlimna a tel lo thei a, chû chu Pathian lâwmzâwng a ni lo.

Tih tûr: “A Nung” tih hlâ emaw “Châwimâwina leh Fakna” lam hlâ in hmuh theih chuan sa ho teh u. Chûng hla thû aṭanga mahni lam ni lo, Pathian fak an châk chhan sawi tûrin in insâwm dâwn nia.